

## Transkription von Urkunde HRO 1367b

Ort, Datierung: Rostock, 1367-06-23

Signatur: Stadtarchiv Rostock, U 3, I, Forderungen U3I 1367 Juni 24 [\[online\]](#)

Inhalt: Wolter van Yttzeho: Schuldbrief für den Rat der Stadt Rostock

---

Ick Wolter van yttzeho beke(n)ne openbare in desser scrift . Dat ick den erbaren luden . den heren den Ratma(n)nen tũ Rozstock sculdich / bȳn . verteyn marck Rozstocker mȳnte vor en pert . de verteyn marck scal ick en vnde wil bereden . tũschen desser tyd . / vnde dre weken . na su(n)the jacobes daghe . de neghest tũ kom(en)de is . bȳnnen der stat tũ Rozstock . myd reden pe(n)nighe(n) / were ock alzo . dat ick dyd vorsũmede . vn(de) se nicht enberedde edder nv(m)ment van mȳner weghe(n) . alzo hyr ghe spoken is . / So schal alle de scult dar ick se v(m)me sculdeghe . vn(de) alle de rechtecheyt de ick myd en hebbe . de schal quyd . leddech vnd(e) / los wezen . vnde se dar nicht mer v(m)me tũ manenede . Vortmer is dat ghe deghedinghet . Weret dat id mȳ zvkedaghe / be neme edder ick ghevanghen worde . edder recht heren not . be neme . Dat ick be wysen mochte by(n)nen desser tyd . / So scal ick alle mȳner sculdi(n)ghe vnd(e) alle mȳnes rechtes des ick myd en hebbe . myd allen di[n]ghen vnuorzvmet wezen . / ock so . is id ghe spoken . twischen vns . Weret dat ick storue edder ghe slaghen worde by(n)nen desser tyd . vnde dat en . / ere ghelt nicht en worde . So scholen myne erfnamen nodlos syn . van der mani(n)ghe v(m)me desse vorsprokenen verteyn=/marck . vnde mȳne erfnamen scolē ok der Ratma(n)ne nernemer v(m)me manen . Tũ ener groteren bethuginghe desser / dink . hebbe ick myn Inghezegel henghet vor dessen bref . De gheuen vnde screuen is tũ Rozstock . na godes bort . / drūtteynhũndert iar . i(n) deme Souen vnde sostegesten iare in sunte Joha(n)nes auende baptisten . De tughe alle(r) desser stũcke syn . desse erlyken lude . gherhardus Westfal . lambrecht stenwerck . he(n)neke van dorsten . vnde / he(n)neke pape borghere tũ Rozstock . vn(de) dar tũ vele ander lude deze tughes wert sȳn . . . /